

Ášši 2.2 Dohkkehit riikkačoahkkima čoahkinortnega / Sak 2.2 Godkjenning av forretningsorden for landsmøtet

1. Fápmudusat

Riikkačoahkin dohkkeha fápmudusaid ovdal riikkačoahkin álgá, bargolávdegotti evttohusa vuodul.

Sámesearvvit dahje sáttagottit sáhttet buktit árvalusaid rievdadit sáttaolbmuid. Riikkačoahkin sáhttá dievas eanetloguin dohkkehit njálmmálaš ja čálalaš fápmudusaid manjá go riikkačoahkin lea vuodđuduvvon.

Čoahkinjodiheddjit dollet čađat ođasmahttojuvvon sáttaolbmo listtu.

2. Čoahkinvuoigatvuohta ja -geatnegasvuohta

Sámeservviid ja NSR-N válljejuvvon sáttaolbmui, riikastivra ja NSR sámediggeáirasiin lea sihke čoahkinvuoigatvuohta ja čoahkingeatnegasvuohta. Riikkačoahkinválljejuvvon válgalávdegottis lea čoahkinvuoigatvuohta ja čoahkingeatnegasvuohta riikkačoahkkimis, muhto lávdegoddi sáhttá ieš mearridit guđemuš ovddasta sin riikkačoahkkimis. Jus muhtun lea dieđihuvvon, ja jus dat gean galgai ovddastit, sáttagoddi dahje sámesearvi ii leat dieđihan viibama, de galgá jávkan dieđihuvvot čálalaččat dasa gii lei dieđihan su ja mearkkašit dán riikkačoahkkima beavdegirjjiis.

3. Sárdnun-, evttohan- ja jienastanvuoigatvuohta

Sámeservviid sáttaolbmot ja NSR-N searvá sárdnun-, evttohan- ja jienastanvuoigatvuođain buot áššiin. Njuolggomielláhttut servet sárdnunvuoigatvuođain riikkačoahkkimis.

Riikastivra ja NSR sámediggejoavku searvá sárdnun- ja evttohanvuoigatvuođain buot áššiin, muhto ii leat jienastanvuoigatvuohta. Čoahkinjodiheddjit sáhttet ávžžuht ahte dát sáttagottit ovttaštáhtet iežaset sáhkavuoruid vai eai šatta nu olu sárdnideaddjit. Čoahkinjodiheddjit sáhttet ovttrasáđiid riikkačoahkkimiin suovvat eará olbmuid sárdnestullui.

4. Giella

Sáhttá geavahit sihke sámegiela ja dárogiela čoahkkimis. Dulkojuvvo davvi- ja julevsámegielas dárogillii ja dárogielas davvisámegillii. Riikkačoahkkima áššebáhpirat galget ovddemustá gávdnot sihke sáme- ja dárogillii.

5. Riikkačoahkkima rahpan ja vuodđudeapmi

Riikkačoahkkima jodíha riikastivra dassáži go čoahkinjodiheddjit válljejuvvojit.

Riikkačoahkkima álggus galgá dohkkehit riikastivrra evttohusa riikkačoahkkima áššelistui.

Riikkačoahkin sáhttá dábálaš eanetloguin NSR njuolggadusaid § 6.4 vuodul mearridit eará áššiid lasihit áššelistui.

Buot áššebáhpirat galget gávdnot www.nsr.no's
Riikkačoahkkinn galgá dohkkehit sámeservviid fápmudusaid, bargolávdegotti árvalusa vuodul.
Riikkačoahkkinn galgá NSR njuolggadusaid § 6.4 vuodul válljet njeallje čoahkkinnjođiheaddji,
njeallje čálili ja guokte beavdegirjedárkkisteaddji. Riikkastivrra galgá evttohit olbmuid čoahkkima
álggus; dasa lassin sáhttet sáttalbmot maid evttohit olbmuid. Evttohusat válljejuvvot dievas
eanetloguin. Válggat sáhttet dahkkot akklamašuvnnain.
Válljejuvvon čoahkkinnjođiheaddjit ja čállit sáhttet gaskaneaset soahpat bargujuhkima beivviid
ja/dahje áššiid dáfus.

6. Válljet čállinlávdegottiid ja eará lávdegottiid

Riikkačoahkkinn sáhtta mearridit ahte galgá vuodđuduvvot čállinlávdegoddi ja vejolaš eará
lávdegottiid riikkačoahkkimii, mat galget gárvvistit dihto áššiid riikkačoahkkimii ja mat sáhttet
evttohit mearrádusárvalusaid.

Lávdegottiid sturrodat ja čoakkádus mearriduvvo dábalaš eanetloguin, riikkastivrra dahje
sáttagottiid evttohusaid vuodul. Unnimusat okta lahttu juohke lávdegottis berre leat
riikkastivrralahttu, ja unnimusat okta berre leat NSR sámediggejoavkolahttu, sávuhahtti
parlamentáralaš jođihangottis. Riikkačoahkkinn vállje jođiheddjiid ja várrejođiheaddjiid sierra.

7. Beavdegirji

Galgá čállot beavdegirji riikkačoahkkima šiehtadallamiin. Beavdegirji galgá čállot
mearrádusbeavdegirjin, mas boahtá ovdan mii lei loahpalaš mearrádus ja jienastanbohtosa. Ii
galgga čállit njálmmálaš šiehtadallamiid.

Beavdegirji galgá čállit dahje dohkkehuvvot čáliliin dađistaga go áššit meannuduvvojat.

NSR čállingottis lea ovddasvástádus sihkkarastit riikkačoahkkinnbeavdegirji hámii, ovdamearkka
dihtii hálddahušlaš návccaid bokte.

Riikkačoahkkima manimus beaivvi galget válljejuvvon beavdegirjedárkkisteaddjit vuolláičállit
beavdegirji.

Nu jođánit go vejolaš manjá riikkačoahkkima dárkkista ja njulge čállingoddi beavdegirji ja
jorgalahtta dan sámegillii ja dárogillii, ja sádde dasto beavdegirji beavdegirjedárkkisteddjiide
loahpalaš dohkkeheapmái.

Jus beavdegirjedárkkisteaddjit eai leat vuostálastán 10 beaivvis de sáhtta beavdegirji
almmuhuvvot NSR ruovttusiidduide. Jus bohtet vuostálastimat de galgá čállingoddi dakkaviđe
njulget čalmmustahttojuvvon boastuvuođaid ja sáddet divvojuvvon veršuvnna dohkkeheapmái.

Riikkačoahkkima beavdegirji galgá sáddejuvvot sámeservviide ja NSR orgánaide manidemiid
haga. Beavdegirji sáhtta sáddejuvvot digitála hámis sámeservviid e-poastačujuhusaide.
Beavdegirji lea almmolaš ja almmuhuvvo www.nsr.no's.

8. Sárdnunáigi, vuorrosátni ja eará

Buohkat geain sárdnunvuoigatvuohta sáhttet bivdit sáni čoahkkimis. Go dáhttu sáni de lokte
iežas sáttalbmogalbba dassáži go čoahkkinnjođihangoddi čájeha ahte lea fuomášán.

Čoahkkinjođiheaddjit sáhttet mearridit sárdnunáiggiid vuosttaš ja maŋnelaš sáhkavuoruide. Vuolggasadji leat golbma (3) ja 1,5 (okta ja bealle) minuvtta, muhto dáid sáhttet čoahkkinjođiheaddjit muhttit ja almmuhit dađistaga. Jus leat viiddis áššit de sáhttet juolludit eanet sárdnunáiggi.

Lea vejolaš bivdit vuorrosáni. Go dáhttu vuorrosáni de doallá sáttuolbmogalbba ja guokte suorpma bajás. Vuorrosáni sáhtta dušše divvut maŋimuš sáhkavurrui, ja ii sáhte guhkit go ovtta minuvtta. Váldoságadoalli beassá vástidit jus dáhttu. Vástádusvuorrosáni ii galgga guhkit go ovtta minuvtta. Čoahkkinjođiheddjiin lea ovddasvástádus ahte áigeplána dollojuvvo ja sáhttet giddet vuorrosátnevejolašvuoda jus ferte áiggi seastit.

Čoahkkinjođiheaddjit sáhttet ráddjet ságastallama sárgá bokte. Dalle galgá dieđihit ahte sárggis sárgejuvvo dihto áiggi, ja ahte ferte dan ovdal bivdit sáni jus dáhttu sárdnut.

Sáhkavuorut beaiveortnega, čoahkkinortnega dahje jienastanortnega ektui galgá diktít dakkaviđe, beroškeahttá sárdnunlisttu. Jus dáhttu sáni beaiveortnegii, čoahkkinortnegii dahje jienastanortnegii de ráhkada T-mearkka iežas galbbain.

Gárihuvvan olbmuid, dahje jus eará sivaiddi dihtii eai sáhte searvat albma láhkai dahje áššálaččat, galget čoahkkinjođiheaddjit gieldit sárdnumis.

9. Áššiid meannudeapmi

Áššiid mat eai leat áššelisttus ii sáhte meannudit eará go jus riikkačoahkkin dan mearrida dábálaš eanetloguin.

NSR njuolggadusaid sáhtta dušše rievdadit 2/3 eanetloguin. Njuolggadusaid listobargguide sáhtta mearridit dievas eanetloguin.

Buot mearrádusevttohusaid galgá buktit čálalaččat digitála evttohanskovi bokte. Buot evttohusaid besset de riikkačoahkkima oasseváldit oaidnit doppe. Áššiid mat eai meannuduvvo čállinlávdegottiin galgá čoahkkinjođihangoddi nummarastit dađistaga go evttohusat bohtet. Čoahkkinjođiheaddjit mearridit mo áššit meannuduvvojit ja guđe ortnegis evttohusat galget jienastuvvot. Riikkačoahkkin sáhtta jerrot čielggadit mo háliidit jienastanortnega ja eará. Čoahkkinjođiheaddjit galget nu bures go máhttet váldit vuhtii riikkačoahkkima vejolaš váidagiid čoahkkinjođihangotti meannudanevttohussii.

Čoahkkinjođiheaddjit sáhttet evttohit sáddet áššiid riikkastivrii jus duohtagieđahallan ii oro ulmmálaš. Riikkačoahkkin mearrida sáddet áššiid riikkastivrii dábálaš eanetloguin.

10. Riikkačoahkkima cealkámušat

Cealkámušárvalusat galget ovddiduvvot čálalaččat, sámegillii dahje dárogillii, digitála evttohanskovi bokte. Das galgá unnimusat evttoheaddji namma ja árvalus tekstii, ja ii galgga guhkit go guokte siiddu.

Cealkámušlávdegoddi válljejuvvo čoahkkima vuodđudettiin.

Áigemearri *ođđa* cealkámušaid evttohit lea; ovdal go vuosttaš meannudeapmi lea loahpahuuvon.

Áigemearri buktit rievdadusárvalusaid lea ovdal mállásiid lávvardaga.

Lávdegoddi sáhtta evttohit ahte cealkámušárvalus; sáddejuvvo riikkastivrii, hilgojuvvo dahje meannuduvvo.

Riikkačoahkkinn mearrida cealkámušaid dábálaš eanetloguin.

11. Válgalávdegotti bargu

Válgalávdegoddi válljejuvvui mannan riikkačoahkkimis, ja das lea jođiheaddji ja guokte lahttu. Lávdegoddi galgá árvalit evttohasaid buot válggaide maid galggai ráhkkanahhtit.

Válgalávdegoddi galgá unnimusat beaivvi ovdal válggaid, ovdal čoahkkinn loahpahuvvo dan beaivái, ovdanbuktit iežas árvalusa. Árvalusas galgá bohtit ovdan evttohasat ja doaibmaáigodat, diehtu leatgo ovttajjienalaš dahje unnitloguárvalusat. Válgalávdegoddi ii dárbbáš ákkastallat iežas árvalusaid čálalaččat, muhto sii sáhttet searvat digaštallamii go ášši meannuduvvo.

Go válggaid galgá čađahit de galgá válgalávdegoddi ovddidit ja čilget iežas árvalusa riikkačoahkkimii. Meannudettiin de sáhttá válgalávdegoddi sihke geassit ja ovddidit ođđa evttohasaid, jus dasa lea eanetlohku lávdegottis. Lávdegoddi sáhttá šiehtadallat njálmmálaččat, ja ii leat gáibádus beavdegirjji čállit. Lea jođiheaddji ovddasvástádus fuolahit ahte gávdno eanetlohku evttohasaide. Unnitlohku lávdegottis maid sáhttá ovdanbuktit iežas oaivila riikkačoahkkima sárdnestuolus.

Válggat čađahuvvojit NSR njuolggadusaid § 18 vuodul.

12. Jienastannjuolggadusat

Jienasteapmi dahkko NSR njuolggadusaid § 18 vuodul. Mearrádusat dahkkojuvvojit dábálaččat dábálaš eanetloguin, muhto válggat galget dahkkot dievas eanetloguin. *Dábálaš eanetlohku* lea go lea eanet go bealli jienain. Jus ii jienas de ii lohko obbalaš jietnalohkui. *Dievas eanetlohku* lea go badjel bealli sis geain lea jienastannjuolggatvuotta leat beali. Jus ii jienas de lea seammá go vuostálastit árvalusa. *Mearrideaddji eanetlohku*, man geavaha go rievdata njuolggadusaid, oaivvilduvvo ahte lea eanet go 2/3 jienasteddjiin. Jus ii jienas de ii lohko obbalaš jietnalohkui. Jus leat eanet go guokte evttohasa válggain, ja ii oktage olat dievas eanetlogu vuosttaš jienasteamis, de galget dat guokte geain eanemusat jienat gilvalit. Ođđa jienasteapmi dahkko čálalaččat, ja válggat mearriduvvojit dábálaš eanetloguin. Jus leat seamma olu jienat goappásge de vuorbáduvvo.

13. Čoahkkinn/beaiveortnega spiehkasteapmi

Čoahkkinnjođiheaddjit sáhttet ovttasráđiid riikkačoahkkimiin spiehkastit beaive- dahje čoahkkinnortnegis.

MEARRÁDUSEVTTOHUS:

Árvaluvvon čoahkkinnortnet 2026 riikkačoahkkimii dohkkehuvvo